

Skýrsla Heilbrigðisnefndar Vesturlands 2020

Rekstur Heilbrigðiseftirlitsins var þungur árið 2020, Covid setti strik í reikninginn þannig að farið var í færri eftirlitsferðir í upphafi árs, framkvæmdastjóraskipti urðu á árinu, en fráfarandi framkvæmdastjóri lauk störfum í apríl og nýr tók ekki við fyrr en í september. Þá var stofnunin rekin á yfirdrætti fram í lok nóvember og formannsskipti voru í nefndinni í júlí þegar ég tók við af Ólafi Adolfssyni.

Nýr framkvæmdastjóri og formaður tóku því við nokkuð þungu búi og lagður var kraftur í að endurskipuleggja starfið og koma á stöðugleika rekstursins.

Meðal verkefna var að setja nýja gjaldskrá, hún er byggð á eftirlitsáætlun þar sem eru upplýsingar um þau fyrirtæki sem þurfa að fá eftirlit og hvað það tekur langan tíma. Þegar þessi gögn eru skoðuð liggur enn betur fyrir þörf á auknum starfskrafti í eftirlitið, eins og áður hefur komið fram hjá fyrri formönnum nefndarinnar. Sú þörf heldur aukist ef eitthvað er og mikilvægt að eigendahópur Heilbrigðiseftirlitsins standi saman og styðji við reksturinn og tryggi þannig að hægt sé að standa við lögbundnar skyldur eftirlitsins.

Samtalið við eigendur er dýrmætt og mikilvægt bæði fyrir starfsmenn eftirlitsins sem og nefndina, þannig að sameiginlegur skilningur sé á störfum og skyldum Heilbrigðiseftirlitsins.

Á starfsárinu voru haldnir 6 Heilbrigðisnefndar fundir, þar af 5 í gegnum síma eða fjarfundabúnað, og einn var haldinn í Stykkishólmi auk aðalfundar sem haldinn var í Borgarnesi. Einnig voru nokkrir óformlegir fundir nefndarinnar þegar verið var að ráða framkvæmdastjóra síðasta sumar.

Að öðru leiti voru störf Heilbrigðisnefndar Vesturlands með hefðbundnum hætti en hlutverk nefndarinnar er að framfylgja hinum ýmsu lögum og reglum sem henni er ætlað að hafa eftirlit með. Meðal verkefna voru fjármál heilbrigðiseftirlitsins, svör við fyrirspurnum, kvörtunum, útgáfa starfsleyfa sem og umsagnir til opinberra aðila s.s. sýslumanns, Skipulagsstofnunar, Umhverfisstofnunar, byggingarfulltrúa sveitarfélaga á Vesturlandi og ráðuneyta.

Samtal er á milli umhverfis- og auðlindarráðuneytis, Kjósarhrepps og Heilbrigðiseftirlits Vesturlands um að fella Kjósarsvæði undir eftirlitssvæði Vesturlands. Það samtal er enn í gangi og mun málið vera lagt á borð eigenda þegar þar að kemur til umfjöllunar.

Hér er stiklað á stóru og mun framkvæmdastjóri fara betur yfir rekstur síðasta árs í ársreikningi og ársskýrslu og vil hverja ykkur öll til að gefa ykkur tíma í að lesa yfir ársskýrsluna, þar sem er að finna góða samantekt á árinu ásamt almennar upplýsingar um störf Heilbrigðiseftirlitsins.

Borgarnesi 24.mars 2021

Karítas Jónsdóttir,
formaður heilbrigðisnefndar Vesturlands.